

ქ. თბილისი

- 25 - იანვარი 2012 წელი

საჯარო სამართლის იურიდიული პირი საქართველოს ეროვნული საინვესტიციო სააგენტო, მდებარე ქ. თბილისი, გ. ჭავჭავაძის ქ. №12 (შემდგომში “შემსყიდველი”), სააგენტოს დირექტორის ქეთევან ბოჭორიშვილის სახით, ერთის მხრივ და მეორეს მხრივ ფიზიკური პირი თამარ გვარამია (მცხოვრები ბუდაპეშტის ქ. №4; პირადი №01024036830 – შემდგომში “შემსრულებელი”), საქართველოს მოქმედი კანონმდებლობის მოთხოვნათა დაცვით ვდებთ წინამდებარე ხელშეკრულებას.

### 1. ხელშეკრულების საგანი

- 1.1. გამარტივებული შესყიდვის გზით, ამ ხელშეკრულების 2-ე პუნქტით გათვალისწინებული ანაზღაურების სანაცვლოდ, მიმწოდებელი ვალდებულია 2012 წლის 27 იანვრამდე შემსყიდველს გაუწიოს დიზაინერული მომსახურება, კერძოდ დაუმზადოს ქალაქის ჩანთის დიზაინი განკუთვნილი გერმანიის ქ. მიუნხენში ტექსტილის სექტორში გასამართი გამოფენის მონაწილეთათვის გადასაცემად
- 1.2. ხელშეკრულების საგნის CPV კოდია: 79822500 (გრაფიკული დიზაინის შექმნა)
- 1.3. ხელშეკრულების გამარტივებული წესით წარმოების საფუძველია სახელმწიფო შესყიდვების შესახებ საქართველოს კანონის 10<sup>1</sup> მუხლის 3-ე პუნქტის დ ქვეპუნქტი და საქართველოს მთავრობის 2012 წლის 18 იანვრის განკარგულება # 29

### 2. ხელშეკრულების ღირებულება

- 2.1. ხელშეკრულების საერთო ღირებულება განისაზღვრება – 125 (ათას ხუთასი) ლარით ( საშემოსავლო გადასახადის გათვალისწინებით)
- 2.2. ანგარიშსწორება ხორციელდება სახელმწიფო ბიუჯეტის სახსრებით.

### 3. მომსახურების ხარისხი

- 3.1. შემსრულებელი იღებს ვალდებულის ხარისხიანად და ხელშეკრულებით გათვალისწინებულ ვადებში განახორციელოს მომსახურება.

### 4. მომსახურების გაწევის პირობები

- 4.1. შემსრულებელი ვალდებულია 2012 წლის 27 იანვრამდე გაუწიოს შემსყიდველს ხელშეკრულებით გათვალისწინებული ყველა მომსახურება.

### 5. მიღება-ჩაბარების წესი

- 5.1. მომსახურების მიღებას ახორციელებს საქართველოს ეროვნული საინვესტიციო სააგენტოს დირექტორი.
- 5.2. მომსახურება ჩაითვლება გაწეულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების, და საჭირო დოკუმენტაციის წარმოდგენის შემდეგ.

## 6. ანგარიშსწორების ფორმა და ვადები

- 6.1. ანაზღაურება მოხდება უნაღლო ანგარიშსწორების ფორმით, მომსახურების გაწევიდან, ანგარიშფაქტურის და მიღება-ჩაბარების აქტის გაფორმებიდან 15 კალენდარული დღის ვადაში.
- 6.2. სახელმწიფოსთან ანგარიშსწორებას აწარმოებს შემსრულებელი.

## 7. მხარეთა უფლება-მოვალეობანი

- 7.1. შემსრულებელი ვალდებულია:
  - 7.1.1. ხელშეკრულებით გათვალისწინებულ ვადაში გაუწიოს შემსყიდველს მომსახურება;
- 7.2. შემსყიდველი ვალდებულია:
  - 7.2.1. ჩაიბაროს მომსახურება მიღება-ჩაბარების აქტის საფუძველზე;
  - 7.2.2. აუნაზღაუროს შემსრულებელს გაწეულის მომსახურების საფასური.

## 8. მხარეთა პასუხისმგებლობა ხელშეკრულების პირობების დარღვევისათვის

- 8.1. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს მოქმედი კანონმდებლობის შესაბამისად.
- 8.2. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დღისათვის შემსრულებელს ეკისრება პირგასამტეხლო ხელშეკრულების ფასის 0.1% ოდენობით.
- 8.3. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 50%-ს შემსყიდველს აქვს უფლება შეწყვიტოს ხელშეკრულება.
- 8.4. თავის მხრივ ანგარიშსწორების ვადების დარღვევისას, შემსყიდველი ყოველ გადაცილებულ დღეზე უხდის შემსრულებელს ასანაზღაურებელი თანხის 0.1%.

## 9. ფორს-მაჟორი

- 9.1. მხარის (მხარეთა) მიერ ხელშეკრულების პირობების დარღვევა არ გამოიწვევს შესაბამის პასუხისმგებლობას თუ აღნიშნული დარღვევა გამოწვეულია ფორს-მაჟორული გარემოებების ზემოქმედების შედეგად.
- 9.2. ფორს-მაჟორულია გარემოებები, რომლებიც წარმოადგენენ მხარეთათვის გადაულახავ, მათგან დამოუკიდებელ პირობებს (არ არიან გამოწვეული მხარეთა განზრახ ან გაუფრთხილებელი, არასწორი მოქმედებების შედეგად) და რომელთა წინასწარ გათვალისწინება შეუძლებელია.

## 10. ხელშეკრულებაში ცვლილებების შეტანა

- 10.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია.
- 10.3. ლარის კურსის სახელმწიფო შესყიდვების შესახებ ხელშეკრულების გაფორმების დღეს არსებულ ევროს კურსთან შედარებით 5%-ზე მეტი ცვლილების შემთხვევაში, მხარეები უფლებამოსილნი არიან გადასინჯონ მოწოდებული საქონელის რაოდენობა და



ფასები, ამავდროულად ხელშეკრულების საერთო ფასი არ უნდა შეიცვალოს 10%-ზე მეტად.

- 10.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

### 11. ხელშეკრულების მოქმედების ვადები

- 11.1. ხელშეკრულების მოქმედების ვადა განისაზღვრება  
2012 წლის 25 იანვრიდან;  
2012 წლის 25 თებერვლამდე
- 11.2. ხელშეკრულება შესრულებულია 2 (ორი) თანაბარი იურიდიული ძალის მქონე ეგზემპლარად (1 ეგზემპლარია სსიპ – საქართველოს ეროვნული საინვესტიციო სააგენტოს, 1 – შემსრულებელს).

### 12. დავის გადაწყვეტის წესი

- 12.1. მხარეთა შორის წამოჭრილი დავა წყდება ურთიერთშეთანხმებით.
- 12.2. ურთიერთშეთანხმებით დავის გადაჭრის შეუძლებლობის შემთხვევაში დავა წყდება სასამართლოს წესით.
- 12.3. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით/ზეპირ ფორმას.

### 13. ინსპექტირების პირობები

- 13.1. შემსყიდველის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს შემსრულებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული შემოწმება.
- 13.2. შემსრულებელი ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

### 14. ხელშეკრულების შესრულების შეფერხება

- 14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა აცნობოს მეორე მხარეს შეტყობინება შეფერხების ფაქტის შესახებ. შეტყობინების მიმდებამა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებასთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის ან ურთიერთშეთანხმების აქტის გზით.

### 15. ხელშეკრულების შეწყვეტის პირობები

- 15.1. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ თუ:
- ა) შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) შემსყიდველისთვის ცნობილი გახდა, რომ შემსრულებლის მატერიალური ან სხვა მდგომარეობის საგრძნობლად გაუარესების გამო საფრთხე ექმნება მისი მხრიდან ვალდებულების შესრულებას;

გ) საქართველოს კანონმდებლობით გათვალისწინებულ სხვა შემთხვევაში.

**შემსყიდველი:**

სსიპ-ს „საქართველოს ეროვნული საინვესტიციო  
სააგენტო“ დირექტორი:

  
/ქეთევან ბოჭორიშვილი/

ქ. თბილისი, გ. ჭანტურიას ქ. №12  
ეროვნული ბანკი


ს/კ №204990082

ა/ა №200122900

კოდი 220101222

**შემსრულებელი:**

ფიზიკური პირი თამარ გვარამე

  
/თამარ გვარამე/

მცხოვრები ბუდაპეშტის ქ. № 4 ბ49  
პირადი №01024036830

ს/ს „თიბისი ბანკი“ საბურთალოს  
ფილიალი

ა/ა №445061622341

